

USM kekal universiti Apex

PUTRAJAYA: Status universiti Apex yang diberikan kepada Universiti Sains Malaysia (USM) tidak akan ditarik balik walaupun universiti itu melakukan kesilapan ketika memproses permohonan kemasukan penuntut bagi sesi 2009/2010 baru-baru ini.

Ketua Pengarah Pengajian Tinggi, Prof Datuk Dr Ir Radin Umar Radin Sohadi, berkata kesilapan itu tidak seharusnya dijadikan alasan menghukum USM.

"USM dipilih sebagai universiti Apex (Program Pema-cuan Untuk Kecemerlangan) berdasarkan beberapa kriteria, antaranya tahap kesediaan, pelan transformasi dan kesediaan untuk berubah.

"Mereka perlu diberi peluang membetulkan kesilapan itu dan saya yakin dengan kuasa autonomi dimiliki, masalah itu tidak berulang," katanya semalam.